



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Liborii Episcopi, Calcvlo Laborantivm Patroni

Bolland, Johannes

Antverpiae, 1648

§. III. S. Liborii Translatio.

urn:nbn:de:hbz:466:1-9573

Martyrologio ad 23. Iulij Andreas Saussaius.
Fufius de eo agit in Gallicâ Episcoporum Ceno-
manenfium Historiâ, Antonius Coruafferius
Curtellius Cenomanus, infigni vir eruditione
& iudicio.

§. III. S. LIBORII *Translatio.*

10. **D**OCTOR Gobelinus Persona Decanus
 Biffeldenfis & Officialis Paderbor-
 nenfis, qui ante 240. annos scribebat, in Cosmo-
 dromio, *atate 6. cap. 41. de S. Liborij Transla-* *Translatio*
tione ista habet : Anno imperij Ludeuici *reliquiarũ*
 XXIV. translatus est S. Liborius de ciuitate *eius an. 836.*
 Cenomanicâ Galliæ, in quâ quondam ipse *facta;*
 fuerat Episcopus, ad Paderbornam Westpha-
 liæ; Aldrico Cenomanensem & Badurado
 Paderbornensem regentibus Ecclesias. Hic
 Aldricus fuit accusatus apud Gregorium Pa-
 pam IV. vt habetur 2. quæst. 6. *Decreto nostro.* Et
 quidam Clericus Ecclesiæ Paderbornenfis,
 Ido nomine, conscripsit miracula, quæ vidit
 in Translatiõne S. Liborij, & habentur scripta *ab oculatis*
 in Ecclesiâ Paderbornensi supradictâ. Et Er- *testibus da-*
 conradus Diaconus Ecclesiæ Cenomanenfis *scripta,*
 scribit eadem miracula, prout ea se vidisse te-
 statur: & ipse scribit, quòd Legati Episcopi
 Baduradi, pro Reliquiarum sanctarum rece-
 ptione missi Cenomannicam, principales fue-
 runt, Folodagus Aduocatus Episcopi Badu- *per Legatos*
 radi, Meinulphus Archidiaconus, Adelbertus *curata,*

A 5

Presby-

IO VITA S. LIBORII PATRONI

Presbyter, Aldricus Diaconus, & Drudwinus Subdiaconus: & quòd Meinulphus in Ecclesiâ S. Vincentij Cenomanensi vouit monasterium sanctimonialium fundare in honorem B. Mariæ & S. Liborij, in loco qui dicitur Bodicon.

*miraculis
illustrata:*

II. *Eadem tradit Krantzius, Metropolis lib. I. cap. 28. qui Folodigium vocat, quem Gobelinus Folodagum; Erconredum, quem hic Erconradum. Addit Baduradum, quòd mirâ deuotione in Sanctum Dei Liborium ferueret, eius reliquias petiisse; Aldricum, siue quòd meritis esset præuentus à Badurado, siue quòd minoris eas fieri in prouinciâ cerne-
ret, protinus annuisse. quas causas neque ex Gobelino, neque ex Historiâ Translationis à coetaneo scriptâ, accepit Krantzius. Postremò hæc adiicit: Celebris est memoria eius vsque hodie in Ecclesiâ Paderburnensi; quod crebra in populum beneficia contestantur ac merentur. Ideò autem S. Meinulphum votum ait fundandi monasterij nuncupasse, vt prosperare dignaretur Deus legationem eorum. In Vitâ S. Meinulphi, quam v. Octobris dabimus, nulla huius voti ab eo apud Cenomanos nuncupati mentio fit: vt vel inde conijcere liceat, eam Vitam à Gobelino Personâ non esse conscriptam, quod tamen Surius in manuscripto codice se reperisse scribit.*

*ca eleuata
28. April.*

12. *Consignata est non vno die in Martyrologiis huius Trâslationis memoria. Nam xxviii. Aprilis ita habes verus Kalèdarium Ecclesiæ Paderbor-
nensis:*

nenfis: Inuentio corporis S. Liborij. *Antiquum item Breuiarium typis excusum*: Translatio S. Liborij. Plenum officium. ms. Florarium: Floriani Martyris Translatio, & Liborij Episcopi & Confess. *Colitur S. Florianus iv. Maij. Vetus Martyrol. Coloniae editum an. 1490. Cenomanis Translatio S. Liborij Ep. & Conf. in Paderbornam. At Carthusiani Colon. in Addit. ad Vsuard. Apud Paderbornam Translatio S. Liborij Episcopi Cenomanensis & Conf. Canisius denique; Item Padelbornæ eleuatio S. Liborij Episc. Cenomanensis in Galliâ, & Confessoris, de quo pleniùs xxiii. Iulij. Eo igitur die leuati de mausoleo sacri artus, vt loquitur coætaneus scriptor. Nam ad urbem Cenomanicam quinto Kalendarum Maiarum die venêre Legati Paderbornensis Antistitis, vt habet ms. Corfendoncanum; non quarto, vt libri editi. Sequenti die facta eleuatio est. Kalendis* *Cenomanis euectæ 1.*

13. *Tandem die quinto Kalendarum Iuniarum, quo tunc sacra Pentecostes solemnitas agebatur, ad desideratam diu Paderbornensem Ecclesiam peruenerunt. Consentiunt inuicem hi chronologici characteres: Annus Christi 836. Indictio 14. dies Pentecostes 28. Maij, cum Pascha fuisset 16. Aprilis. Annus verò Ludouici Pij Imp. 24. non à morte Caroli Magni Patris, quæ contigit an. 814. duci debet, sed ab anno præcedenti, quo Augustus est iubente patre proclamatus. licet maior Vita, annum Ludouici ponat 23. nimirum* *Maij. Paderbornam allata 28. Maij.*

rùm à morte patris. Ad diem verò 28. Maij, siue
 y. Kal. Iunij, Carthusiani Colonenses in Ad-
 dit. ad Vluard. ista habent. Apud Paderbornam
 Translatio S. Liborij Episc. Cenomanensis &
 Conf. Consentu Molanus. Florarium, & paulò
 aliter Martyrol. Colon. In Paderbornâ ad-
 uentus S. Liborij Ep. & Conf. *Canisius eodem
 die: Item Paderbornæ Translatio S. Liborij
 Episcopi Cenomanensis & Confessoris: quæ
 Translatio magnis miraculis diuinitus illu-
 strata, & certis eximia sanctitatis argumentis;
 cùm corpus eius ab Cenomanorum vrbe Pa-
 delbornam deuectum est à secundo Padel-
 bornensi Episcopo Badurano. De eo pluri-
 bus 23. Iulij. Andreas Saussains in Martyrol.
 Gallicano, ita scribit: Eodem die Translatio
 S. Liborij Episcopi Cenomanensis, quando
 sacrum eius corpus Paderbornam delatum
 est: in quâ auectione multa signa, quæ reful-
 sère, sanctitatis eius & gloriæ certissima ar-
 gumenta exhibuère.*

*Historia
 Translat.
 per scripto-
 rem Saxo-
 nem, non ta-
 men Idonè;*

14. Translationis Historiam, & miracula
 in eâ facta, Ido Presbyter partim viuâ voce
 intimata, partim litteris breuiter annotata, ad
 viri religiosi, qui Vitam S. Liborij, vt dictum antè,
 conscripsit, fecit notitiam peruenire. Non arbi-
 tramur scriptum illud Idonis extare; nedum illud
 ipsum esse, quod hîc damus: id Baronium existi-
 masse, perperam asseruit, qui tertiam Surij editio-
 nem adornauit. Disertè ita scribit Baronius ad an.
 836. n. 12. Ab eo (Idone) qui accepit, siue scri-
 ptis

ptis, siue viua voce tradita, simul iungens, in dicto de eius Translatione libello contexit.

15. An extet, quam Erconradus Cenomanensis Diaconus conscripssisse Translationis Historiam traditur, cum miraculis à se visis, haud scimus. Breuiore nacti sumus ex veteri Legendario Ecclesie Cenomanensis, quam ferè sequitur Coruasserius. Ea tamen non videtur ab oculato teste scripta, cum ipsum Baduradum (quem Baduratum vocat) Cenomanos eà causà profectum tradat, quod alter scriptor planè exactissimus negat. Ideò hallucinatus fortasse est Auctor ille, quòd cum audisset Eleuationi reliquiarum duos adfuisse Episcopos, crediderit alterum fuisse Baduradum, qui David erat S. Aldrici Coepiscopus. Neque is Baduradi Legatorum nomina producit, ab Erconrado tamen olim expressa, si Gobelino Krantzioque fides.

Et per Cē-
nomanum,
non Ercon-
radum.

16. Meminit huius Translationis Wernerus Rolevinckius lib. 3. de situ & moribus Westphalorum cap. 8. his verbis: Benedictus quoque Badueradus, secundus Episcopus Paderbornensis, diuinà reuelatione confortatus, solenniter transtulit corpora SS. Liborij, Panacij, Turibij, Gundanisoli, Episcoporum Cenomanicæ ciuitatis, ad suam Ecclesiam cum multâ gloriâ miraculorum. Et sanè breuior Translationis Historia num. 5. multas aliorum Sanctorum reliquias, vnà cum S. Liborij corpore, Paderbornensibus à S. Aldrico datas tradit. Ac verò, vt alter Auctor cap. 4. nu. 12. testatur,

Reliquiis
vnà allata
SS. Panacij,
Thuribij,
Gundanisoli
Epp.

itur,

zur, erant in eodem loco aliorum quoque membra Sanctorum, in sarcophagis honestè reconditorum, maximè Episcoporum ciuitatis illius. Ex ijs fortasse particulas sanctus Antistes Legatis donauit: nam si corpora integra, non id siluissent scriptores. Die xxv. Iulij Cenomanis S. Iuliani Translatio celebratur: at trium illorum consignata pridie in Martyrologijs memoria. Ita enim habent Carthusiani Colonenses in Addit. ad Vsuard. & vetus Martyrol. Coloniae editum an. 1490. Cenomannis depositio SS. Pauacij, Turribij, & Gundanisoli, Episcoporum præfatæ vrbis & Confessorum. At ms. Florariû SS. In Paderbornâ depositio sanctorum Episcoporum & Confessorum Cenomanensium, Panarij, Turribij & Gundanisoli. Agitur S. Thuribij natalis xvi. Aprilis, S. Pauacij xxiv. Iulij, vbi fusiùs de eorum rebus gestis. At Gundanisolus in Catalogis Episcoporum Cenoman. apud Claudium Robertum, Ioannem Chenu, Antonium Coruasserium, notus non est, neque in Saussaij Martyrol. Gallicano.

& S. Valerini.

17. Idem, qui suprâ citatus, Gobelinus in Chronicâ Paderbornensis diœcesis cap. 9. iisdem ferè verbis quibus in Cosmodromio, huius Translationis meminit, sed S. Valerinum addit, alibi planè ignotum: Anno, inquit, Ludouici Pij xxiii. translatus est S. Liborius, & S. Valerinus de ciuitate Cenomanicâ Gallia, &c.